

Broj: 06-02-121-13/2019-8
Sarajevo, 29.07.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 09-34-122-R-4/2019 od 15.05.2019. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA – NABAVKA MICROSOFT SOFTVERA PUTEM KOLIČINSKOG LICENCIRANJA (VOLUME LICENSING) I SOFTVERSKOG OSIGURANJA (SOFTWARE ASSURANCE) PUTEM ENTERPRISE UGOVORA ZA POTREBE BUDŽETSKIH KORISNIKA FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom otvorenom postupku javne nabavke roba – nabavka Microsoft softvera putem količinskog licenciranja (Volume Licensing) i softverskog osiguranja (Software assurance) putem Enterprise ugovora za potrebe budžetskih korisnika Federacije Bosne i Hercegovine, evidencijski broj nabavke: 06-02-121-13/2019-1, broj Obavještenja o nabavci sa portala javnih nabavki: 854-1-1-19-3-11/19 od 24.05.2019. godine, Sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 38/19, kao najbolje ocijenjena prihvatljiva ponuda je ponuda **ponuđača KONZORCIJ: - SYS COMPANY d.o.o. Sarajevo (nosioc Konzorcija) i TEAMWORK d.o.o. Mostar (član Konzorcija), sa ukupnom cijenom ponude za tri godine bez PDV-a, nakon provedene e-Aukcije, u iznosu 3.191.100,00 KM (BAM).**

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-121-13/2019 od 14.05.2019. godine. Javna nabavka provedena je putem otvorenog postupka. Procijenjena vrijednost nabavke za tri (3) godine iznosila je 3.200.000,00 KM (BAM) bez PDV - a. Obavijest o nabavci poslana je na objavu 24.05.2019. godine, te je istog dana objavljena na portalu Javnih nabavki pod brojem: 854-1-1-19-3-11/19. Sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 38/19.

Tendersku dokumentaciju preuzelo je 25 (dvadesetpet) privrednih subjekata, a 3 (tri) ponuđača dostavila su ponude u predmetnom postupku. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: LANACO d.o.o. Banja Luka, KONZORCIJ: - SYS COMPANY d.o.o. Sarajevo (nosioc Konzorcija) i TEAMWORK d.o.o. Mostar (član Konzorcija) i COMTRADE SYSTEM INTEGRATION d.o.o. Sarajevo.

Komisija za javne nabavke, imenovana Rješenjem, broj: 09-34-122-R-4/2019 od 15.05.2019. godine, izvršila je pregled i ocjenu ponuda, te konstatovala da su sve dostavljene ponude prihvatljive.

U skladu sa tačkom V. Odluke o pokretanju postupka javne nabavke, broj: 06-02-121-13/2019 od 14.05.2019. godine provedena je e-Aukcija dana 25.07.2019. godine, sa početkom u 10.00 sati.

Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-121-13/2019-7 od 25.07.2019. godine i preporuku o izboru najpovoljnijeg ponuđača KONZORCIJ: - SYS COMPANY d.o.o. Sarajevo (nosioc Konzorcija) sa registriranim sjedištem u Sarajevu, ID: 4200236600002 i TEAMWORK d.o.o. Mostar (član Konzorcija), sa registriranim sjedištem u Mostaru, ID: 4227593530000, za predmetnu nabavku.

U postupku donošenja odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispijelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine putem Ugovornog organa – Generalni sekretarijat Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove